

雜譬喻經

書

四百廿三
圖八

51033



元祿九年丙子二月五日重脩

皇圖聖圖 帝潛銀呂

佛日增輝 懋輪常轉

山城州天安寺法金剛院置

法華經

Handwritten marks or characters at the bottom of the seal area.

雜譬喻經一卷

後漢沙門支婁迦讖譯

圖

昔有比丘聰明智慧時病危頓弟子問曰成
應真未荅曰未得不還未也問曰和尚道高名
遠何以不至乎和尚告曰已得頻來二果未
通問之已得頻來礙何等事不至真入荅曰

欲覩彌勒佛時三會二百八十億人
時及諸菩薩不可限載彌勒如來巨身至尊
長百六十丈其土人民皆拋華色人民皆壽
八萬四千歲土地平正衣食自然閻浮土地
廣長各三十萬里意欲見此不取真人彌勒
佛時二尊弟子一曰雜施二曰數數復欲見



之知何如我弟子復問從何聞此和尚荅曰從佛經聞弟子白曰生死勤苦彌勒設有異法當往待之乎荅曰無異六度四等四恩四諦寧有異乎荅曰不也設使一等彼此無異何爲復待今受佛恩反歸彌勒亦可取度不須待彼和尚言止卿且出去吾當思惟弟子適出來到戶外已成真人弟子還曰何乎師曰已成真人弟子禮曰咄叱之頃已成果證昔有比丘得定意時野火燒不燒人見之謂是鬼便斫之刀折不入用心一故不入柔軟故不燒有人得定者弟子呼之飯不覺因前牽其臂臂伸長丈餘弟子怖便取結之意恐

結不可復解之師禪寤苦臂痛問弟子曰如是師言汝不解寤我折我臂人得定意柔軟如綿在母腹中亦尔

昔窈賓國有一菩薩始生墮地地有大動父母皆驚時有真人佉頭面禮華蓋供散後長出家明哲辯慧然多蕩佚乃無法度所說聞者輒令得道時有二人共為比丘精舍守戒清白積年意不開解天神語之彼國有比丘多所化度二人即往故遠歸請時此比丘彼國有比丘與姪女通二人求現一人先入禮敬却坐姪女故卧端正極世專心聽經無他異念便得道迹誓首還復使一前禮調訊坐

聽見卧姪女心念此人穢辱不良唐苦遠來
便棄出外比丘曰何愁乃尔知有邪見曰乃
誤我曹涉曠辛苦師此污濁有是蕩行曰卿
為大非學士法但當正心聽受慧解焉譏是
非自生惡念今無所得便自端心共入聽經
復得道迹一得應真師為設賓便還本國師
後典寺大用僧物通姪戲樂過度眾僧議逐
有真人曰且莫擯棄雖用僧物能多化度便
止不逐親親詣曰卿前弟子可往從乞備眾
人物即到彼國大得眾寶還倍償僧
昔有賢者奉法精進得病奄亡妻子嗥戀無
聊有生火葬收骨埋去既訖廢忘經道香燈

不設家財饒富月旦晦朔烹殺饌饋上豕集
會相哭哀摧悲悼斷絕亡者戒德終乃昇天
天眼遙見愍其哭之愚癡之至化作小兒於
邊牧牛牛便卒死兒便嗥哭刈草著前曉諭
令食復打呼起對泣自搏如此終日衆人怪
笑共往呵問汝誰家子牛死當歸語家嗥哭
何益牛死豈知乎曰我不愚也牛死尚在猶
可有望汝父早死設百種食共向嗥哭焦骨
何知衆聞霍解曰吾本汝父蒙佛生天故來
釋卿因還復天身欲得如我加進道供已忽
不現妻子內外便還精進戒德布施賑濟一
切不復憂愁皆得道迹同時生天

海中有一國名私訶疊中多出珍寶唯無石
蜜時有賈人持五百餘車石蜜往念欲上王
所得賞報必勝市賈便以石蜜置王宮門作
事自陳如是月日之中無有問者恚曰彼王
亦是人我亦是人眼耳鼻口四大俱余乃不
可得一見與言語也何則王福德勝人故也
吾亦當作功德當今王不覺來歸我時遂行
作沙門以蜜供養三尊求一靜處思惟苦空
非身使其未半意解無縛得六通道諸能一
處不移成羅漢者地為震動帝釋諸天應來
慰問於是天帝諸天人皆下作禮助其歡喜
比丘問天帝卿等天上盡何所為荅曰天上

有四戲觀園三處是五欲處一處是道德在
中或論佛貴典或時論天下四輩精進持法
者比丘曰論持者爲一等也爲有深淺乎天
帝曰普諸善人耳佛泥曰已來有三人諸天
持論未曾廢捨比丘曰斯何人也天帝與我
一一說之天帝言波羅柰國有一人作沙門
自誓言當經行彷彿不得應具終不卧息
於是晝夜經行足壞流血百鳥啄啄三年得
道諸天稱察無不奉承矣有一人在羅閱祇
國亦作沙門布草爲褥坐其上自誓曰不得
道終不起而陰蓋來但欲睡眠使人作錐長
八寸睡來時便刺兩髀以瘡痛不睡一年之

中得應真道天亦歎未曾有也復有一人在
拘睒尼國亦作沙門在山石室峻險卒無能
得往來者時魔波旬見其精進便化作水牛
在比丘前鳴鼻角目以欲觸之比丘甚畏而
思曰此間牛所不能得至何以有此得無是
魔所爲也即喊言汝是弊魔所爲邪魔謂已
知便服本形比丘語魔卿恐我何求魔言見
道人精勤恐出我界去故來相恐矣比丘說
言我所以作沙門者求度世間佛有相好欲
見之耳佛以去世無能見者聞魔能變作佛
身爲吾現之吾便不復精進也魔其當然即
化爲佛在前立思惟即得應真諸天空中稱

善無量魔悔愁毒即時滅去天帝語比丘是
三人諸天所歎于今未休比丘語天帝此三
人者明識苦空是以朽身吾本無意為人所
輕遂行求道得出三界亦復奇妙亦得應真
諸天報曰今還天上以道人上頭第一於是
諸天作禮而去於是國王聞石蜜主勤行得
道即往稽首叩頭謝過遂為國師興隆三寶
國致太平復福得度不可復計
昔有一病人衆醫不能治瘡徑來投國王王
名薩和檀以身歸大王慈願治我病王即付
諸師勅令為治病諸醫啓王此藥不可得王
問諸師曰其藥名何等世無五毒人其肉中

作湯服此便得瘥何等為五毒一者無貪婬
心二者無瞋恚心三者無愚癡心四者無妬
嫉心五者無剋虐心若有此人者其病便愈
王告諸師曰此人來歸我唯我無此毒即割
身上肉與之令合湯病者服愈便發摩訶衍
昔有迦羅越常願見文殊師利迦羅越便大
布施并設高座訖便有一老公其大醜惡眼
中眵出鼻中洩出口中唾出迦羅越見在高
座上便起意我今日施高座高經沙門當在
其上汝是何等人便牽著地布施訖迦羅越
便然燈燒香著佛寺中言持是功德現出見
文殊師利便自還歸家疲極卧夢有人語言

汝欲見文殊師利見之不識近前高座上老
公正是文殊師利汝便牽著地如是前後七
反見之不識當那得見文殊師利若人求菩
薩道一切當等心於人求菩薩道者文殊師
利便往試之當覺是意

為無常家說譬喻有一大樹其果如二升瓶
其果垂熟有鳥飛來住樹枝上方住果落鳥
頭殺樹神見此而作偈言

鳥來不求死 果墮不為鳥 果熟鳥應死

因緣會使尔

人在世間罪福會遲速合無有前却點人得
罪不怨得福不喜尔乃為諦信佛言受持不

離三界之中有九十六種道世人各奉其所
事冀神有益此諸小道未曉為福豈能執德
所以尔者不識三尊之上明不執五戒之清
真無有八正之深見豈能祐濟於人乎是以
名之薄田耳

有能敬佛三尊鑒通三世明天堂之福審太
山之罪至信三寶以塞三塗強智慧之力以
消三界癡冥修六淨神水以蕩六患之穢故
能輕財損身口分行等之施以樹來世之本
施一萬報疾若響應故言大道三界之良田
也何以明之昔阿育王曾作小兒時道遇佛
不勝歡喜以少砂土至心奉佛由此之福故

得為聖王典主四十萬里十六大國以此明
之佛最為良田

昔佛弟難陀乃往昔惟衛佛時人一洗衆僧
之福功德自追生在釋種身佩五六之相神
容晃晃金色乘前世之福與佛同世研精道
場便得六通古人施一猶有弘報況今檀越
能多行者乎普等之行必建尊号加增歡喜
廣度一切

佛言染神億劫不朽煎熬生死得道乃止昔
佛泥曰後五百十年有一國王精進勇猛世
所希有供養六萬沙門三月一時甘香餽饌
極世之味最上座道人博綜羣籍探古達今

得應真去此國東四百八十里有一國王供
養五百婆羅門亦盡世之美作百種幢幡裝
校繒綵綿絮金寶雜物一幢直五百兩金以
此伎樂而娛樂之其有能作此伎藝者便以
與之諸國貧人聞彼國王有此寶物各各四
面雲集合五百人路由精舍各習伎藝欲取
彼寶糧食之盡不能得達便詣上座前求作
沙門上座即觀之乃惟衛佛時賢者家奴客
曾為道人作食飲又聞法言從是已來天上
人中受福自然福今始盡法言故存此等可
度便下鬚髮授以戒法將入宮食還大歡喜
師知其意為說此飯不可妄食人無至誠而

食此飯者當累劫為王作牛馬奴婢五百新
學比丘聞此恐怖厲志精進九十日皆得應
真比丘以得道欲自說本末便大走行喚入
王門共相撲來三毒十二因緣五陰六衰我
皆撲之誰能與我對者衆坐愕然此何言也
比丘曰吾等本習伎藝欲取彼寶利養為沙
門自致羅漢三界衆邪吾等以撲滅之蒙大
師恩快樂無極

昔有兄弟二人居大勢富貴資財無量父母
終亡無所依仰雖為兄弟志念各異兄好道
誼弟愛家業官爵俸祿貪世榮色居近波利
弗鷄鳴精舍去之不遠兄專行學諮受經道

不預家計其弟見兄不親家事恒嫌恨之共
為兄弟父母早終勤苦念生活反棄家業追
逐沙門聽受佛經沙門豈能與汝衣財寶耶
家轉貧狹財物日耗人所嗤笑謂之懈廢門
戶絕滅凡為人子當立功效繼續父母功勲
不廢乃為孝子耳兄報之曰五戒十善供養
三寶行六度坐禪念定以道化親乃為孝耳
道俗相反自然之數道之所樂俗之所惡俗
之所珍道之所賤智愚不同謀猶明冥不共
處是故慧人去冥就明以致道真卿今所樂
苦惱之我一切空無虛偽不真迷謬計有豈
知苦辛其弟含恚頓頭不信兄見如是便謂

曰卿貪家事以財爲貴吾好經道以慧爲珍
今欲捨家歸命福田計命寄世忽若飛塵無
常卒至爲罪所纏是故捨世避危就安弟見
兄意志趣道誼寂然無報兄則去家行作沙
門夙夜精進誦經念道一心坐禪分別思惟
未曾休息懈即具根力三十七品行合經法
成道果證往到弟所勸令奉法五戒十善生
天之本布施學問道慧之基弟聞此言瞋恚
更盛即荅兄曰卿自應廢不親家業毀壞門
戶可獨爲此勿復教我疾出門去莫預我事
兄便捨去弟貪家業汲汲不休未曾以法而
任其心然後壽終墮牛中肥盛甚大賈客買

取載鹽販之往返有數牛遂羸頓不能復前
上坂困頓躄卧不起賈人策撾遙頭纔動時
兄遊行飛在虛空遙見如是即時思惟知從
何來觀見其本本是其弟便謂之曰弟汝所
居舍宅田地汲汲所樂今爲所在而自投身
墮牛畜中即以威神照示其命即自識知淚
出自責大行不善慳貪嫉妬不信佛法輕慢
聖衆快心恣意不信兄語違戾聖教扞突自
用故墮牛中疲頓困劣悔當何逮兄知心念
愴然哀傷即爲牛主說其本末事狀如是本
是我弟不信三尊背真向僞慳妬自恣貪求
不施墮牛中羸瘦困劣甚可愍傷今已老極

疲不中用幸以惠我濟其殘命價人聞之便以施與即將牛去還至寺中使念三寶飯食隨時其命終盡得生忉利時衆賈客各自念言我等勤勞治生無馱不能施與又不奉法不識道誼死亦恐然不免此類便共出舍捐其妻子棄所珍玩行作沙門精進不懈皆亦得道由是觀之世間財寶不益於人奉敬三尊修身學慧博聞行道世世獲安

昔者舍衛國有一貧家庭中有蒲樾樹上有數穗念欲布施道人時國王先前請食一月是貧家力勢不如王正玄許一月乃得一道人便持施之語道人言念欲施來一月今乃

得願道人語優婆夷以一月中施矣優婆夷言我但一穗菰糲施耳那得一月施道人言但一月中念欲施則爲一月也

有十八事人於世間甚大難一者值佛世難二者正使值佛成得爲人難三者正使得成爲人在中國生難四者正使在中國生種姓家難五者正使在種姓家四支六情完具難六者正使四支六情完具財產難七者正使得財產善知識難八者正使得善知識智慧難九者正使得智慧善心難十者正使得善心能布施難十一者正使能布施欲得賢善有德人難十二者正使得賢善有德人往至

其所難十三者正使至其所得宜適難十四者
正使得宜適受聽問訊說中正難十五者正
使得中正解智慧難十六者正使得解智慧
能受深經種種難十七者正使能受深經依
行得道難是為十八事

雜譬喻經一卷

圖

迦識

禁下楚反

咄叱

上下骨反

剝賓

上居反

明詰

下

字蕩泆

一下反

擯棄

上下必刃反

奄亡

上檢反

嗥戀

上戶悲悼

盜下音

刈草

上魚反

自搏

下音

霍解

上

郭反聲

拯濟

字上蒸

徬徉

下音步忙反

啄

音卓

錐質

反刺

拘睽

上音俱下

峻險

雖閏反

噦言

許芥反

眇

之

洩

珮

妹

昱

上明廣反

煎熬

反

高下反吾
脩
饒上
時戶交反
博
綜下子
綿
絮下慮反
息
相

撲下蒲
道
誼下音
義
嗤
笑上尺
迷
課下苗
顛
頭

米上反
汲
汲音
販上方
上
坂下音
拙
突上音

骨下徒
愴
然上初
捐音綠
穗音遂
覓
完惠官



